

Umhverfisstofnun
Áb. _____
26. júní 2015
Tilv. _____

Skaftárhreppur
Vigfús Þór Hróbjartsson
Klausturvegi 10
880 Kirkjubæjarklaustur



UMHVERFISSTOFNUN

Reykjavík 24. júní 2015
UST201506-160/M.I.K.
10.05.02

Efni: Umsögn Umhverfisstofnunar varðandi umsókn um stöðuleyfi við Kirkjufellsvatn

Umhverfisstofnun hefur borist ósk um umsögn varðandi stöðuleyfi húss og rotþrór til eins árs við austasta horn Kirkjufellsvatn í Skaftárhreppi.

Umhverfisstofnun bendir á að umrætt svæði er ekki innan Friðlands að Fjallabaki og þarf því ekki að sækja um framkvæmdarleyfi til stofnunarinnar varðandi umrædda framkvæmd. Þá er svæðið ekki á náttúruminjaskrá og þarf því ekki að leita umsagnar Umhverfisstofnunar.

Stofnunin minnir á að samkvæmt grein 2.6.1. í Byggingareglugerð er ekki hægt að gefa stöðuleyfi fyrir hús nema um sé að ræða frístundahús í smíðum sem er ætlað er til flutnings.

Meðf. er úrdráttur 2.6.1. úr Byggingareglugerð.

Virðingarfyllst

Jón Björnsson
Sérfræðingur

Aðalbjörg Birna Guttormsdóttir
Sérfræðingur

Afrit: Forsætisráðuneytið

Stöðuleyfi.

2.6.1. gr.

Umsókn um stöðuleyfi.

Sækja skal um stöðuleyfi til leyfisveitanda til að láta eftirfarandi lausafjarmuni standa lengur en tvo mánuði utan þeirra svæða sem sérstaklega eru skipulögð og ætluð til geymslu slíkra lausafjarmuna:

- a) Hjólhýsi, á tímabilinu frá 1. október til 1. maí.*
- b) Gáma, báta, torgsöluhús, frístundahús í smíðum, sem ætlað er til flutnings, og stór samkomutjöld.*

Umsókn um stöðuleyfi skal vera skrifleg og undirrituð af eiganda eða ábyrgðarmanni viðkomandi hlutar og skal fylgja samþykki eiganda eða lóðarhafa þeirrar lóðar sem fyrirhugað er að lausafjarmunirnir standi á. Í umsókn skal gerð grein fyrir tilgangi og lengd stöðuleyfis.

Með umsókn skulu fylgja uppdrættir og önnur gögn sem nauðsynleg eru til að sýna staðsetningu, útlit og gerð, fyrirkomulag og öryggi lausafjarmunanna. Lausafjarmuni skal staðsetja þannig að almenningi stafi ekki hættu af og ekki sé hættu á að eldur geti borist frá þeim í aðliggjandi hús. Ennfremur skal þess gætt að aðgengi slökkviliðs að aðliggjandi húsum sé ekki torveldað. Handhafi stöðuleyfis er ábyrgur fyrir því að ekki skapist hættu vegna lausafjarmuna og er leyfisveitanda heimilt að krefja eiganda um gögn og rökstuðning þar að lútandi.

Handhafi stöðuleyfis er ábyrgur fyrir því að hreinlætisaðstaða í og við lausafjarmuni sem falla undir þessa grein uppfylli ákvæði laga um hollustuhætti og mengunarvarnir og ákvæði laga um fráveitur og laga, reglugerða og reglna um aðbúnað, hollustuhætti og öryggi á vinnustöðum eftir því sem við á hverju sinni.

Stöðuleyfi skulu mest veitt til 12 mánaða nema ákvæði skipulags mæli fyrir um annað.